

中國地方志集成

河北府縣志輯 ⑤①

嘉慶棗強縣志

棗強縣志補正

康熙安平縣志

東強縣志序

前翰林院庶吉士今天津令任湘晚繼其先君子知東強克修縣志成書來請予序予受而畢讀之始叙例十六條發明作志之義終叙錄十四則備存作志之八年經事緯本本原蓋釐然史法矣總目二紀八圖四表五志一略三傳二紀二錄卷分二十第一紀

天章第二紀

恩澤蓋尊

王也其三曰圖考總縣境一分縣境三縣城縣署

文廟義倉各二凡八圖四表者何一沿革二爵封胞封附焉屬卷四三職官屬卷五四選舉屬卷六何謂五志

東強縣志序

地理一也屬卷七有星野沿革疆域里社保甲河渠古蹟塚墓之分建置二也屬卷八有城池公署公所縣倉倉儲兵防舖遞墩堡市集坊表郵政橋梁壇廟寺觀之分卷九志田賦有歷代之制焉有現在地畝之數焉有戶口地糧寸銀領支鹽課雜稅焉卷十志學校以書院義學附之卷十一志典禮慶典也祀典也禮儀也循政難得於今故曰略其義甚嚴特冠史傳列傳以風之卷次十二三十四列女傳卷十五記風俗歲時物產於十六卷曰風土十七卷祥異大事識餘曰雜記十八十九分上下卷錄藝文上錄制詔論記下錄序傳碑誌銘文贊引議示詩終二十卷曰叙錄所謂備存作志之人

也自嘉慶庚申湘晚知縣事上沂乾隆庚寅其先君子進士寓圃公諱增嘗有意於縣志旋調山東未竟而去又上沂壬申知縣山東高密進士單作哲纂修八門曰地理曰建置曰賦役曰職官曰選舉曰人物曰藝文曰雜稽有序丞權縣事江南元和監生沈鳴皋序副焉又上沂康熙庚申知縣漢軍鑲黃旗監生董廷榮舉邑入江潑有序有跋又上沂已酉知縣江西金谿進士張士任序江潑選貢劉永祺並序後董與張皆因於知縣江南宣城貢生胡夢龍所序康熙丁未志也凡四卷三十七門湘晚叙其薈萃搜剔可謂勤矣

東強縣志序

二

辰志邑人陝西慶陽通判陶萬象序後者有河南祥符進士郭維寧知縣事序萬歷甲午志邑人知山西孟縣事宋室序後者而序錄東強故無志實自嘉靖三十四年乙卯知縣永川進士羅廷唯序邑略始今者距羅志之年二百四十有奇矣距胡百餘歲距單亦五十有二年矣羅郭王三志皆泯滅惟胡單二志僅存艾胡之陋補單之疎不蔓不枝俾無違於史法此作志之義也叙例發明得古人著述之遺意矣湘晚賢克成先志楊君又今之學古有獲者不且相得益彰耶志始於嘉慶壬戌訖癸亥夏初換天津越三月梓事竣整比成書夫志如東強令如湘晚興二百四十七年當務之急此循政

也於予實有光焉可序也如不文何雖然吾所謂循政當務之急不獨棗強又豈惟志哉湘晚勉旃繼棗強者勉旃抑不僅湘晚與繼棗強者宜勉旃也此又區區立言之史法也其猶湘晚叙例叙錄與若夫行遠言文以俟君子讀棗強志訖故僭序如此嘉慶九年甲子秋九月丙午日

太子少保兵部尚書兼都察院右都御史總督直隸等處兼管河道提督軍務糧餉紫荊客雲等處關隘兼管巡撫事加三級連平顏檢惺甫謹序

棗強縣志序

三

棗強縣志敘例

賜進士出身直隸冀州棗強縣知縣前翰林院庶吉士在銜慈撰州縣之志古者侯封一國之書也就一縣之事而志之舉其凡目可以見一縣之事矣若不先崇體例慎所取裁何以爲一邑之史耶今爲掣其綱領以修明之使後之人知其典則識所勸懲治法備而掌故存不敢以己之臆見爲詳畧也

史之有紀始於呂氏春秋十二月紀司馬遷作史記載述帝王行事冠之於首後之史家遞相效法而州邑之志罔識遵循蓋多惑於地理類書之例宜其散漫無章而失史家要義矣古者列國各有史書魯之春秋正月

棗強縣志敘例

必稱王者所以崇奉所尊也茲敬恭錄

頒發學宮

御製文曰

天章紀竝恭錄

詔諭所及凡棗強亦在其內者曰

恩澤紀所以備外史之拾遺爲邑書之弁冕庶幾提綱挈領

次第井然

近代方志無不有圖而難垂典則者或廁於序目凡例視同弁髦或逐於景物摩畫山水工其繪事皆無當於史裁也唐宋州郡之書多尚圖經而地理統圖則起於周官大司徒職方氏追漢入關蕭何之收圖籍是已蓋

圖之存於古者代有其書特以史部不收再傳而失其本耳夫志不立圖則形狀名象必不可求倘不爲繫說命名釐定篇次何以立體耶釋名曰南北爲經東西爲緯地理之圖亦畧存經緯焉茲以開方計里爲經而以縣鄉村落爲緯使閱者按格可稽易於披索正如三輔黃圖元和郡縣圖志圖與書相輔而行也

史部要義有文辭者曰志曰傳無文辭者曰表虛實相資詳畧互見者也茲志作沿革表所以標其眉目以資考鏡也作爵封表知漢之置縣建立侯國也至於職官選舉詳其列官之歲科舉之年若年經事緯終覺立例不精難於尋究茲倣馬班表體班分類附事緯年經

東強縣志 敘例

二

俾流覽者按索而易考云

顏師古曰志記也積記其事也班固漢書作地理志并及分野後漢書倣之作郡國志後之史家皆守其例而不變茲志地理本之各史地志並參考括地志元和郡縣圖志太平寰宇記通典通考以及各書記載敘其沿革以與前表互見蓋表畧而志詳也至於疆域四至保甲村莊是必詳明道里皆有所稽舊志河渠古蹟列入雜稽未免漫無所據今則考訂各書歸之地理使覽者詳焉

建置所以志法度也夫建者立也樹也置者安也設也城邑衙署壇壝祠廟社稷民人所由重也制度所不在

則不入焉若八景命名庸陋無所取材概爲削去不留以嚴史體

史遷平準之書班固食貨之志所以存一代之典也欲考今者先徵於古茲志田賦先敘歷代之制粗述梗概以爲緣起詳載

國朝賦役全書以見制度有經若唐李吉甫國計簿宋丁謂會計錄自勒一書之例也

學校廟祀載於會典士民罕見其書故特爲詳列所以明禮教也杜佑通典禮制悉存儀節以備後人之資考固亦不厭其詳茲志典禮遵照會典禮部則例編輯成書至於邊豆笙磬之數揖讓拜跪之文詳備其儀以爲

東強縣志 敘例

三

掌故率而行之可以知禮之所由矣

作循政略與鄉賢列傳有殊體焉蓋傳之體縟而文略之體直而潔是峻潔其體斯可冠冕列傳耳古人有經無緯之書大抵名之曰略表子野取沈約宋書而編年稱略是已職官表之列名不計賢否循政略則循名責實義取謹嚴表有名而略無述雖語無褒貶而意具抑揚去取之間寓春秋之意可爲從政者勸也

釋名曰傳傳也以傳示後人也自左史彙萃寶書詳具春秋終始而史遷則以人別爲篇標傳稱列所由名矣邑之人物如董仲舒賈彝孟信范廷召已詳各史者則錄其原文別曰史傳抑亦馬班遞相刪述之旨耳至於

列傳之有目者蓋事重於人正如儒林循吏初不爲施孟梁邱龔黃卓魯而設也茲爲列傳一皆本之舊志或有年遠莫考者則略而不詳仍其舊而無所筆削以合闕疑之義

列女之傳倣於劉向以傳其行也疾風勁草忠臣烈士與日月爭光焉若貞女節婦煢煢自守心如金石百折不回大義所存皎如冰雪固可與忠臣烈士並傳不朽矣雖地不乏人人不乏事然而人微迹隱不值輶軒之採或又未遇旌揚雖有苦節幽貞歸於草木同盡豈不悲哉茲則責成采訪之人悉心搜訪雖未邀旌典者嘉其苦志亦必類列以著芳型並著德壽二人以合劉

東強縣志 敘例

四

向之例羅列女行也

說文云記疏也謂一一分別記之也晉周處作風土記梁宗懷作荆楚歲時記皆所以志民俗也茲倣其義例記其風土而俗禮土風隨類而敘並疏物產以別土宜蓋亦問俗採風之遺意爾

晉葛洪撰西京雜記乃當時欲撰史錄事而未得締思無前後之次雜記而已嗣後唐李璋有晉陽事跡雜記張文規有吳興雜錄是其例矣迺倣而記之

孟堅仍七略而志藝文以傳篇目後之史家作志皆倣其意焉東邑自董子春秋繁露而外考求古今竟無著述可存部目惟有錄其記事敘述之文以證城池學校

解舍之興廢名宦選舉之盛衰與志傳紀事可爲表裏其傳狀碑銘有與列傳相彷彿者正以詳畧互存徵事得實以補志之闕也其無關於考証得失者概不入焉附以詩歌亦寓國風遺意以非班氏藝文之例不敢云志故名爲錄云

古者史家著作既成必反覆推明著書之旨此馬班之自序敘傳所由作也志乘爲一邑之史不明史家紹述淵源之義不列專篇乃今前志難傳湮而莫考抑亦弗思之甚矣夫索綬之前涼春秋端資邊劉常璩之華陽國志半襲譙周是則一方之書不能無藉於一方之紀載若不敘列其人其文明折衷之有自豈非得魚忘筌

東強縣志 敘例

五

又何怪乎放失難考耶茲作敘錄明撰述之所自標去取所由來羅列序跋初非以多爲貴第以文獻無徵寧存毋廢畧倣史家敘傳敘錄之意推明其故以爲後來者例焉

東強志自乾隆壬申知縣單君作哲修輯後至今五十餘年志板無存難於徵考

街惠

幼侍

先君子宰此邦

茲復繼宰是邑亟欲搜訪事蹟撰述成書迺於嘉慶壬戌十二月開局編纂至癸亥四月脫稿凡延儒修脯剗厠工費皆捐廉自辦不以絲毫累及士民是志也主修則街惠也纂修則陽湖楊君元錫也同修則訓導李君綸盛也采訪則生員辛奎璧袁燭芳孫文坊姚經文楊

信芳吳廷舉鄭述曾陳宗儒龍汝言唐封劉維嶽李毓傑也維時街憲奉檄調任天津卽於四月望日就道到津後始付剗劂又越三月而刊畢裝訂成書廼作敘例十六則發明作志之義識其大畧焉

東強縣志 敘例

六

東強縣志目錄

紀二

圖八

表四

志五

略一

傳三

記二

錄二

卷一

天章紀

東強縣志 目錄

一

卷二

恩澤紀

卷三

圖考

縣境總圖一 縣境分圖三 縣城圖
縣署圖 文廟圖 義倉圖

卷四

沿革表

爵封表

廐封附

卷五

職官表

卷六

選舉表

卷七

地理志

星野 沿革 疆域 里社 保甲
河渠 古蹟 塚墓

卷八

建置志

城池 公署 公所 廨舍 倉儲
兵防 舖遞 墩堡 市集 坊表
郵政 橋梁 壇廟 寺觀 附

卷九

田賦志

歷代之制 現在地畝之數 戶口
地糧 丁銀 領支 鹽課 雜稅

卷十

學校志

書院義學附

卷十一

典禮志

慶典 祀典 禮儀

東強縣志 目錄

二

卷十二

循政略

卷十三

史傳

卷十四

列傳

先儒 鄉賢 仕績 武功 忠義
孝友 文學 卓行 厚德

卷十五

列女傳

節孝 貞烈 德壽

卷十六

風土記

風俗 歲時 物產

卷十七

雜記

祥異 大事 識餘

卷十八

藝文錄上

制誥 諭記

卷十九

藝文錄下

序 傳 碑 誌 銘 文 贊
引 議 示 詩

卷二十

敘錄

東強縣志 目錄

三

東強縣志卷第一

直隸東強縣知縣任衡惠恭紀

天章紀

聖祖仁皇帝御製文

至聖先師孔子贊并敘

康熙二十八年
頒發學宮

蓋自三才建而天地不居其功一中得而聖人代宣其蘊
有行道之聖得位以綏猷有明道之聖立言以垂憲此正
學所以常明人心所以不泯也粵稽往緒仰邇前徽堯舜
禹湯文武達而在上兼君師之寄行道之聖人也孔子不
得位窮而在下秉刪述之權明道之聖人也行道者勲業
炳於一朝明道者教思周於百世堯舜文武之後不有孔

東強縣志卷一 天章紀

子則學術紛淆仁義湮塞斯道之失傳也久矣後之人而
欲探二帝三王之心法以爲治國平天下之準其奚所取
衷焉然則孔子之爲萬古一人也審矣朕巡省東國謁祀
闕里景企滋深敬摘筆而爲之贊曰

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂既窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰堯將
可晤孔子之道惟中與庸此心此理千聖所同孔子之德
仁義中正秉彝之好根本天性庶幾夙夜最哉令圖溯源

洙泗景躅唐虞載歷庭除式觀禮器摘毫仰贊心焉遐企
百世而上以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱宮牆萬仞
夫子之堂孰窺其藩孰窺其徑道不遠人克念作聖

四子贊

顏子

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用行舍藏
王佐之器

曾子

洙泗之傳魯以得之一貫曰唯聖學在茲明德親民止善

東強縣志卷一 天章紀

爲斯格致誠正均平以推至德要道百行所基纂承統緒
修明訓辭

子思子

於穆天命道之大原靜養動察肅德肅言以育萬物以贊
乾坤九經三重大法是存篤恭慎獨成德之門卷之藏密
擴之無垠

孟子

哲人既萎楊墨昌熾子輿闢之曰仁曰義性善獨闡知言
養氣道稱堯舜學屏功利煌煌七篇並垂六藝孔學攸傳
禹功作配

訓飭士子文

康熙四十一年
頒發學宮

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾機械作人之意乃比年士習未端儒效罕著雖由內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長立官牆朝夕誦讀寧無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子矜佻達自昔所譏苟行止有虧雖讀書何益若夫宅心弗淑

東強縣志卷一 天章紀

三

行已多愆或蜚語流言挾制官長或隱糧包訟出入公門或唆撥奸猾欺孤凌弱或招呼朋類結社邀盟乃如之人名教不容鄉黨弗齒縱倖脫褫扑濫竊章縫返之於衷寧無愧乎况夫鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取曷勝騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正為國家宣猷樹績膺後先疏附之選哉朕用嘉惠爾等故不禁反復惓惓頒茲訓言爾等務共體朕心恪遵明訓一切痛加改省爭自濯磨積行勤學

以圖上進國家三年登造束帛弓旌不特爾身有榮即爾祖父亦增光寵矣逢時得志寧俟他求哉若仍視為具文玩愒弗儆毀方躍冶暴棄自甘則是爾等冥頑無知終不能率教也既負栽培復干咎戾王章具在朕亦不能為爾等寬矣自茲以往內而國學外而直省鄉校凡學臣師長皆有司鐸之責者并宜傳集諸生多方董勸以副朕懷否則職業弗修咎亦難追勿謂朕言之不預也爾多士尚敬聽之

世宗憲皇帝御製文

平定青海告成太學碑 雍正三年頒刻學宮

我國家受

東強縣志卷一 天章紀

四

天眷命撫臨八極日月所照罔不臣順遐邇乂安兆人蒙福乃有羅卜藏丹津者其先世固始汗自國初稽首歸命當時使臣建議畀以駐牧之地其居雜番羌密近甘涼我

皇考聖祖仁皇帝睿慮深遠每厯於懷既

親御六師平定朔漠威靈所加青海部落札什巴圖兒等震聳

承命

聖祖仁皇帝因沛殊恩封為親王兄弟八人咸賜爵祿羈縻包容示以寬大而狼心梟性不可以德義化三十年來包藏異志朕紹登寶位優之錫賚榮其封號尚冀革心輯寧部眾而羅卜藏丹津昏謬狂悖同黨吹拉克諾木齊阿爾布坦溫布藏巴札布等實為元惡謂國家方宏浩蕩之恩不

設嚴密之備誕敢首造逆謀迫脅番羌侵犯邊城反狀彰露用不可釋於天誅遂命川陝總督太保公年羹堯爲撫遠大將軍聲罪致討以雍正元年十月師始出塞自冬涉春屢破其衆凡同叛之部落戈鋌所指應時摧敗招降數十萬衆又降其貝勒貝子公台吉等二十餘人朕猶憫其蠢愚若悔禍思愆束手來歸尚可全宥而怙惡不悛負險抗違乃決翦滅之計以方畧密付大將軍羹堯調度軍謀簡稽將士用四川提督岳鍾琪爲奮威將軍於仲春初旬禍牙徂征分道深入搗其窟穴電掃風驅搜剔嚴阻賊徒蒼黃糜潰窮蹙失據羅卜藏丹津之母及逆謀渠魁悉就俘執擒獲賊衆累萬牲畜軍械不可數計賊首逃遁我師

東疆縣志卷一 天章紀

五

踰險窮追獲其輜重入口殆盡羅卜藏丹津子身易服竄匿荒山殘喘待斃自二月八日至二十有二日僅旬有五目軍士無久役之勞內地無轉輸之費克奏膚功永清西徼三月之朔奏凱旋旅饒鼓喧轟士衆訢喜四月十有二日以倡逆之吹拉克諾木齊等三人獻俘

廟

社受俘之日臣民稱慶伏念

聖祖仁皇帝威靈震於遐方福慶流於奕葉用克張皇六師殄

滅狂賊行間將士亦由感激

湛恩厚澤爲朕踴躍用命斯役也芟夷凶悖綏靖番羌俾烽燧

永息中外人民胥享安阜實成

先志以懋有不續廷臣上言稽古典禮出征而受成於學所以

定兵謀也獻猷而釋奠於學所以告凱捷也宜刊諸珉石揭於太學用昭示於無極遂爲之銘曰天有雷霆聖作弧矢輔仁而行威遠寧邇維此青海種類實繁錫之茅土列在藩垣被我寵光位崇祿富負其阻遐禍心潛構恭惟

聖祖慮遠智周瞻念荒服綏撫懷柔朔野旣清西陲攸震爵號

海加示之恩信如何凶狡造謀逆天鼓動昏愆寇侵于邊惟彼有罪自干天罰桓桓虎豹爰張九伐王師卽路冬雪初零日耀組練雷響輦鉦蠢茲不順敢逆戎旅奮張螳臂以當齊斧止如山岳疾如雨風我戰則克賊壘其空彼昏終迷曾不悔戾當剪而滅斯焉決計屬兵簡將往搗其巢

東疆縣志卷一 天章紀

六

踰歷嶽嶇坦若坳郊賊棄其家我繫而獲牛馬谷量器仗山積寔兔失窟何所遁逃枯魚遊釜假息煎熬師以順動神明所福旬日凱歸不疾而速殪彼逆謀懸首藁街獻俘成禮金鼓調諧西域所瞻此惟雄特天討旣伸羣酋惕息橐戈偃革告成辟雍聲教遐暨萬國來同惟我

聖祖親平大漠巍功煥文邁桓軼酌流光悠久視此銘辭繼志

述事念茲在茲

高宗純皇帝御製文

平定金川告成太學碑文 乾隆十四年 頒刻學宮

天畀我皇清握乾符俯坤軸函括萬邦悉主悉臣

五后繼承創守佑啟亦惟是二三蓋臣布德宣力予曰有先後

予曰有禦侮用造我不丕基罔有孽牙罔不煦嫗長養於大當粵有金川安羅奔者居西蜀桃關以外界綽斯小金川之間向曾從征得受符檄與諸土司齒顧恃其邊夜即自大構蒙鄰番各土司申訴封疆吏吏曰蔓之一圖豈其視為齟齬乃請兵籌餉期掃其穴而司其事者怯縮以老師或標倖以蓄志軍無適從事用弗集予心然念邊徼之不寧或致增防置戍重勞吾民大學士忠公傳恒義同休戚毅然請肩斯任乃命以經畧印益厚諸路軍芻粟相繼間不驚卜吉於戊辰十一月之三福牙以指所征朕親御武帳賜經畧酒以行天日和昶陽宣復都人士聽睹聳躍罔不忭喜謂露布之旦暮至也

東疆縣志卷一 天章紀

七

歷燕晉驪秦隴越劍閣絕川江凌桃關之蟻徑天射之嶺又日討軍實而教誡拊循之均其渴飲饑食同其曉征夜眠至於密贊機務親草奏章則又經畧獨勤其勞而諸臣有所不知有弗能共者恩威既明士用益勵度番落加戶庭過部伍於衽席奸曾授首軍聲大振復以巨礮擊其稠堅礮以摧將俟諸軍之集搗其中堅而番酋駭駭駭稽首請降經畧臣以彼罪重惡極窮而乞生久或淪且借焉慮不允所請朕惟

天地之德在好生彼蟻潰而鼠駭者毋寧赦而宥之且求降而盡殲之不可謂武矧不足以汚我斧也於是經畧宣朕明旨登壇受降已巳二月之望日金川平定捷音至京是役

也深入數千里秦凱未七旬而振旅之師多有返自中途未究其用者昔之成功巴蜀如建武之定公孫江陵之降李勢皆在版圖之內無足比數廷臣舉

皇祖朔漠

皇考青海成例請勒碑成均以示來許夫秉丹誠而運籌決勝永靖荒徼者經畧大學士之功也商可否於帷幄衝石矢於行陣者叅贊大臣及諸將士力也朕何有焉惟是體乾元之德凜佳兵之戒保大定功安民和衆庶幾可以垂則乎乃系之辭曰惟

天生人類聚羣分凡茲森林孰非我民有羈而縻有誨而諄豈伊異視遠近殊倫守在四夷稽古名言無已用之寓義於

東疆縣志卷一 天章紀

八

仁 秦搜金夷恃其險阻蠶食猗張謂莫我拒不靖不庭侵厥鄰聚駭奔叫喚以干大咎匪棘匪紆猓狻之故我張我伐猓狻之故 我師既集賊亦相持匪敢相持懼誅自支兩易寒暑秋功稍稽賊益以狂怒臂當車罪臣既誅以徇我師朕咨於恒汝往視之 朕咨於恒惟汝同德惟我庶士亦久於役將茲旗兵羽林神策其勇熊罷其心金石何敵弗摧何功弗克濟以汝忠奏捷頃刻 恒拜稽首臣敢弗慶既禡旣宜師出於京師出於京時惟一陽未逾五旬乃歷其疆前旌獵獵有節煌煌羣番迺驚謂自天降惟彼攸恃曰良爾吉以偵以謀如鬼如蜮其恃爰誅其類股慄紀律是明戎兵是詰鑄礮攻礮其守以失惟是懼誅

潛弗敢出 其潛弗出乃旦夕延將齊我軍披其中堅大
鞬大膊期目之前彼乃窮蹙乞降悚虔惟命是從六事永
遵除道築壇肉袒羊牽 赴赴鍾琪乃度之勦韋抵賊巢
開誠以諭攜其二酋軍門親赴悔罪歸誠車塵馬足順斯
撫之昭我王度昔也雷霆今也雨露 七縱諸葛單騎汾
陽曰我相臣於前有光晉爵錫服黼黻龍章速歸黃閣左
右贊襄休養生息惠鮮蜀邦我武既揚無疆惟慶

平定準噶爾告成太學碑文

乾隆二十年
補發學官

遼矣山戎薰粥焮發彝幕之人界以龍沙畜其驪奚雖無
恒業厥有分部蓋自元黃剖判萬物芸生東夷西夷各依
其地謬舉淳維未爲理據皇古莫紀其見之書史者自周

東疆志卷一 天章紀

九

宣太原之伐秦政亘海之築莫不畏其侵軼猾夏是虞自
時厥後一二奮發之君慨然思挫其鋒而納之宥然事不
中機材不副用加以地遠無定處故嘗勞衆費材十損一
得搢紳之儒守和親介冑之士言征伐征伐則民力竭和
親則國威喪於是守有四夷羈縻不絕地不可耕民不
可臣之言興矣然此以論漢唐宋明之中夏而非謂我皇
清之中夏也皇清荷

天之龍興東海撫華區有元之裔久屬版章歲朝貢從征狩執
役惟謹準噶爾厄魯特者本有元之臣僕叛出據西海終
明世爲邊患至噶爾丹而稍強吞噬鄰蕃闌入北塞我

皇祖三臨朔漠用大破其師元惡伏冥誅裔從遠跡跡毋俾遺

種於我喀爾喀厥姪策妄阿拉布坦收其遺孽僅保伊犁
故嘗索俘取地無敢不共逮夫部落滋聚乃以計襲哈密
入西藏準夷之勢於是而復張

兩朝命將問罪雖屢獲捷而庚戌之役逆子噶爾丹策楞能用
其父舊人乘我師怠掠畜於巴里坤擣營於和卜多於是
而準夷之勢大張然地既險遠主客異焉此勞往而無利
彼亦如之故額爾德尼招之敗彼亦以彼貪利而深入也
皇考謂我武既揚不可以既允其請和以息我衆予小子敬奉
先志無越思焉既而噶爾丹策楞死子策妄多爾濟那木札爾
暴殘喇嘛達爾濟纂集之達瓦齊又纂集喇嘛達爾濟而
酗酒虐下尤甚焉癸酉冬都爾伯特台吉策楞等率數萬

東疆志卷一 天章紀

十

人來歸越明年秋輝特台吉阿睦爾撒納和碩特台吉班
珠爾又率數萬人來歸朕謂來者不可以不撫而撫之莫
若因其地其俗而善循之且毋令滋方來之患於我喀爾
喀也於是議進兩路之師問彼罪魁安我新附凡運餉籌
駭長行利戰之事悉備議之始熟經於庚戌之艱者咸懼
蹈轍惟大學士忠勇公傅恒見與朕同而新附諸台吉則
求之甚力朕謂犁庭掃穴卽不敢必然喀爾喀之地必不
可以久居若而人毋寧用其鋒而觀厥成卽不如志亦非
所悔也故凡禡旗命將之典概未舉行亦云偏師嘗試爲
之耳塞上用兵必以秋而阿睦爾撒納瑪木特請以春月
欲乘彼馬未肥則不能遜朕謂其言良當遂從之北路以

二月丙辰西路以二月已巳各啟行哈密瀚海向無雨今春乃大雨咸以爲時雨之師入賊境凡所過之鄂拓克攜羊酒糗糧迎恐後五月乙亥至伊犁亦如之達瓦齊於格登山麓結營以待兵近萬我兩將軍議以兵取則傷彼必衆彼衆皆我衆多傷非所以體上慈也丁亥遣阿玉錫等二十五人夜斫營規賊向賊兵大潰相蹂躪死者不可勝數來降者七千餘我二十五人無一人受傷者達瓦齊以百餘騎竄六月庚戌徇人阿奇穆霍集斯伯克執達瓦齊來獻軍門準噶爾平是役也定議不過二人讐事不過一年兵行不過五月無亡矢遺鏃之費大勲以集遐壤以定豈人力哉

天也然

天垂佑而授之事機設不奉行之以致坐失者多矣可與樂成不可與謀始亦謂蚩蚩之衆云爾豈其卿大夫之謂既克集事則又曰苟知其易將勸爲之夫明於事後者必將昧於幾先朕用是寒心且準噶爾一小部落耳一二有能爲之長而其樹也固焉一二暴失德之長而其亡也忽焉朕用是知懼武成而勒碑文廟例也禮臣以爲請故據實事書之其辭曰

茫茫伊犁大幹之西匪今伊昔化外羈縻條支之東大宛以南隨畜獵獸蟻聚狼貪乃世其惡乃恃其遠或激我攻乘我緩其計在斯其長可窮止戈靖邊化日薰風不侵

不距不來其那欵關求市亦不禁訶始慕希珍終居奇貨更喜無事遷就斯悞漸不可長我豈懼其豈如宋明和市之爲既知其然飭我邊吏弗縱弗嚴示之節制不仁之守再世斯斬篡竊相仍飄忽荏苒風沙革面煎鞏披忱集泮飛鵠食黽懷音錫之爵位榮以華裾膝前面請願効前驅兵分兩路雪甲霜鋒先導中堅如鼉錯攻益以後勁蒙古舊屬八旗子弟其心允篤二月卜吉牙旗飄颻我騎斯騰無待折膠泉涌於磧蕪苗於路我衆歡躍謂有

天助匪啗我衆新附亦云黃髮未覩水草富春烏魯木齊波羅塔拉台吉宰桑紛紛欵納牽其肥羊及馬潼酒獻其屠耆合掌雙手予有前諭所禁侵陵以茶交易大愉衆情衆情

既愉來者日繼疊達瓦齊擁兵自衛依山據淖惟旦夕延有近萬人其心十千勇不目逃擒二十五日阿玉錫率往賊所銜枚夜襲直入其郭揮矛拍馬大聲疾呼彼人旣離我志斯合突將無前縱橫鞚轡案角鹿埵隴種東籠自相狼籍孰敢攫鋒狐鼠鼠逃將往異域徇部遮之克渠斯得露布旣至告

廟受俘凡此歲功荷

天之衢在古周宣二年乙亥淮夷是平常武詩載越我皇祖征噶爾丹命將禡旗亦乙亥年旣符歲德允協師貞兵不血刃漠無王庭昔時準夷弗恭弗諷今隨師行爲師候尉昔時準夷日戰夜征今也偃臥知樂人生曰匪準夷曰我

臣僕自今伊始安爾游牧爾牧爾耕爾長孫子曰無向非豈有今是

兩朝志竟億載成側席不遑保泰持盈

平定回部告成太學碑文

乾隆二十六年
頒發學宮

建非常之功者以舉非常之事舉非常之事者以藉非常之人然亦有不藉非常之人而舉非常之事終建非常之功者則賴

昊蒼篤貺神運幹旋事若禍而移福機似逆而轉順順天者昌逆天者亡故犁準夷之庭掃回部之穴五年之間兩勦並集始遲疑猶未敢信終勛効以底有成荷

天之寵在茲異

東疆縣志卷一 天章紀

三

天之鑒益在茲爰敘其事如左達瓦齊之就俘也伊犁已大定矣無何而阿睦爾撒納叛彼其志本欲藉我力以成已事時也人心未定佐饗者嘗一域肆狂萬狙應響蜂屯蟻雜不可爬梳畏難者羣謂不出所料準夷終不可取並有欲棄巴里坤爲退守謀然予計其衆志不齊將有歸正倒戈者於是督策將帥之臣整師亟進旣而伊犁諸台吉宰桑果悔過勤王思討逆賊以自贖此

天恩助順者一也二酋大小和卓木者以回部望族久爲準噶爾所拘於阿巴哈斯鄂拓者也我師旣定伊犁乃釋其囚以兵送大和卓木波羅泥都歸葉爾奇木俾統其舊屬而令小和卓木霍集占居於伊犁撫其在伊犁衆回乃小和

卓木助阿逆攻勤王之台吉宰桑等阿逆賴以苟延及我師再入阿逆遂逃入哈薩克而霍集占亦卽收其餘衆竄歸舊穴此

天恩助順者二也準夷之事前記略見梗槩茲不復紀紀興師討回之由則以我將軍兆惠在伊犁時曾遣副都統阿敏道往徇議事小和卓木乃以計誘阿敏道而拘之及我師抵庫車問罪彼攜阿敏道以來援至中途害之及從行者百人彼猶逞其狂悖抗我師顏且敢冒死入庫車城乃雅爾哈善畧無紀律致彼出入自由然我滿洲索倫衆兵士無不念國家之恩效疆場之力故能以少勝衆逆渠懼而免脫此

東疆縣志卷一 天章紀

四

天恩助順者三也知債轅之無濟掄幹材之可任時將軍兆惠以搜勦準夷餘黨至布露特部落已欸服其衆因命旋師定回部於是克庫車存沙雅爾定阿克蘇略烏什收和闐師之所至降者望風直至葉爾奇木城下而我軍人馬周行萬有餘里亦猶強弩之末矣二酋以其逸待之力統數萬人與我三千餘人戰我師之過河者纔四百餘猶能斬將擐旗退而築堡黑水固守以待此

天恩助順者四也萬里之外抱水救火其曷能濟乃予以去年六月卽降旨派兵撥馬欲以更易久在行間者耳故兵馬率早在途一趨進而各爭前恐後人人有敵愾之憤此天恩助順者五也副將軍富德及叅贊舒赫德輩率師進援以

速行戈壁中馬力復疲值狂狇據險坐俟頗有難進之勢夫援軍不能進則固守以待者危矣而叅贊阿里袞驅後隊之馬適至夜擣賊營我師內外夾攻彼不知我軍凡有幾萬握炭流湯之徒自相蹂躪顧命不暇於是解黑水之圍鹿駭臺驚遁而保窟我之兩軍合隊全旅以迴阿克蘇此

天恩助順者六也既而彼料我必再入泰山之歷難當乃於我師未進之先攜其部落載其重器跳而遠去而葉爾奇木哈什哈爾二城之舊伯克等遂獻城以降叅贊明瑞一邀之於霍斯庫魯克副將軍富德再陷之於阿爾楚爾於是離心者面內前途者反施二酋惟挈其妻孥及舊僕僅三

百人入拔達克山境此

東疆縣志卷一

天章紀

五

天恩助順者七也人跡不通之地語言不同之國既已雀歐寧不復顧其授我與否固未可定也然一聞將軍之檄莫不援旗請奮整旅前遮遂得克渠函首露布遙傳此

天恩助順者八也夷考西師之役非予夙願之圖何則實以國家幅員不爲不廣屬國不爲不多惟厘守成之志無希開創之名兼以承平日久人習於逸既無非常之人安能舉非常之事而建非常之功哉然而輾轉輻輳每以艱而獲易視若失而反得故自締始以逮定功雖予自問亦將有所不解其故而不敢期必然者故曰非人力也

天也夫

天如是顯佑國家者以祖宗之敬

天愛民蒙

眷顧者深也則我後世子孫其何以心

上蒼之心志

列祖之志勉繼繩於有永保丕基於無窮乎繫以銘曰

二酋僭德始亂爲賊是與王師報怨以直伊犁既平叢爾奚屑徐議辨開徐議戍設以喚以咻伊予本懷豈其弗戢圖彼藐狇彼狇不量怒臂當車我王臣助彼狂狙始攻庫車債輟敗事用人弗當至今爲愧悖逆罪重我武宜揚易將整師直壓彼疆阿蘇烏什玉隴和闐傳檄以定肉袒

東疆縣志卷一

天章紀

六

羊牽二酋孽深知不可活狼狇相顧固守其穴桓桓我師周行萬里馬不進焉强弩末矣以四百人戰萬餘虜退猶能守黑水築堡問信遠都爲之傷悼所幸後軍早行在道督勅速援人同怒心曾不兩月賊境逼臨賊境逼臨彼復微隙馬繼以進賊營夜斫出其不意賊乃大驚謂自天降孰敢鋒撓大輶大膊如虎搏兔案角隴種誰敢迎顧黑水圍解合軍暫旋整旅三路期並進焉賊偵軍威信不可支挈其妻孥遁投所依所依亦回豈不自謀豈伊庇猿而受林憂利厥輜重無遺盡掠遣其都九遂來獻馘詎惟獻馘並以稱臣捧賚表章將詣都門奏凱班師前歌後舞尸逐染鏢溫禺樂鼓露布至都正逮初陽

慈寧稱慶亞歲迎祥

郊廟告成諸典並舉皇皇太學豐碑再樹豐碑再樹敢予喜功
用不得已

天眷屢蒙始之以武終之以文戡亂惟義撫衆惟仁布惠施恩
寰宇共喜古不羈縻今爲臣子疆闢二萬兵出五年據實
書事永矢乾乾

平定兩金川告成太學碑文

乾隆四十一年
頒發學宮

太上立德其次立功又其次爲立言而德與功皆賴言以
傳言之無文行而不遠文之時義大矣哉然傳德之辭直
而寡傳功之辭費而多直而寡者不因文而德自見二典
三謨經世立教是也費而多者必因文而功乃明周誥殷

東強縣志卷一 天章紀 七

盤估屈聳牙是也吾嘗讀韓昌黎平淮西碑益悉此言之
不爽何則彼其藩鎮乃家奴之類慙恩因循以致宛成敵
國削而平之是宜引以爲愧而不可炫以爲功賴昌黎之
文幾與江漢常武同稱者定然有識者固知其辭費而多
飾而未知憲宗之愧與弗愧耳今之平定金川之文不有
類於斯乎解之者曰逆酋羈縻徼外非若淮蔡之居中土
元濟之爲世臣也吾則以爲旣已受職爲土司則是我臣
而其地近接成都遠連衛藏則是我土我土我臣而橫生
逆志蠶食鄰封將欲大有所爲弗勦而滅之則西川將不
能安枕茲雖歲事與平定淮蔡擒吳元濟何以異故宜引
以爲愧而不可炫以爲功者以此金川之始見於已已告

功之文茲不復記記其復叛而復征則其陰謀負恩已自
戊寅年始蓋戊辰之師實緣其跳梁不靖而師旣臨境彼
卽窮蹙乞降遂以赦罪頒師甫十年而其酋郎卡卽與革
布什咱構釁又四年遂與綽斯甲布及三雜谷爲敵而逆
子索諾木兇悖益甚自恃地廣人衆力強與各土司構兵
訖無寧歲故各土司皆畏之如虎而以勢分力散又莫能
如之何余以爲業已受其降不宜復加兵且蟻鬪蠻觸不
足以勞主帥因命地方文武大吏隨宜彈壓令弗越內地
界亦足以安民而示度耳不虞地方大吏欲息事而每示
寬逆酋轉以爲無足懼而日益逞其小金川逆酋僧格桑
者始則與索諾木水火相仇繼乃狼狽爲奸於是索諾木

東強縣志卷一 天章紀 六

計殺革布什咱土司色楞敦多布取其印勅以歸而僧格
桑亦侵佔鄂克什地界且發兵圍其土司色達拉之官寨
期於必取總督阿爾泰提督董天弼知事不可掩乃有發
兵之請是役也或咎阿爾泰依違誤事之過而余則以爲
阿爾泰之過皆余之過蓋金川因其地險衆悍久蓄異志
是以有殺至維州橋之謠維州本漢徼外羌丹驛地蜀將
姜維城唐武德初因其地置維州屢叛屢復德中陷吐
蕃號爲無憂城遂累入寇擾大中時始復內附五代蜀州
內徙改縣曰保寧宋景德初改曰威州元至元間以州治
保寧縣并入明洪武初於州境折置保縣本朝雍正五
年省威州入保縣屬茂州今其地尚有維州橋之稱而促
浸番人以殺至維州橋播爲謠曲似係聞吐蕃舊事妄冀
效尤則其不忘內地情率可知戊辰之役我師深入屢勝
卽不宜赦其罪而受其降此一誤也甫十年而郎卡僧恩